
ФАРҒОНАДА КОРОНАВИРУСГА ЧАЛИНГАН 2 НАФАР БЕМОР СОҒАЙДИ

Бугун Туркиядан Фарғонага чартер рейси билан олиб келинган ва 27 март куни коронавирус инфекцияси аниқланиб, вилоят юқумли касалликлар шифохонасига жойлаштирилган 2 нафар бемор бутунлай соғайди.

Улар вилоят ҳокими ўринбосари Ф.Қосимов, вилоят соғлиқни сақлаш бошқармаси бошлиғи О.Умаров ва бошқалар иштирокида реабилитацияга кузатилди.

Андижон ва Тошкент вилоятидан бўлган бу беморлар шифокорлар томонидан халқаро стандартлар асосида олиб борилган тўғри даволаш муолажалари туфайли айти пайтда дарддан тўлиқ фориғ бўлишди.

Шунингдек, икки ярим ойлик чақалоқ ҳам соғайган бўлиб, айти пайтда онасининг муолажалари тугамаганлиги сабабли шифохонада қолмоқда.

Шу ўринда алоҳида таъкидлаш жоизки, ҳаловатидан кечиб, оиласи, яқинлари, ватандошлари учун кечаю-кундуз тиним билмаган тиббиёт ходимлари ҳақиқий қаҳрамонлардир.

Фарғона вилояти ҳокимлиги Ахборот хизматиFacebook, Telegram, Веб сайт, YouTube

2020-04-13 18:41:10